



鄭靜菴先生

全集

鄭祠部遺集舊序

國朝

天禧

昔予偶閱試牘見鄭次公之小品卓然不羣已心切嚮往及丁酉次公與予兄子君進竝舉于鄉後次公以詞林遷儀部司權江陵矢心冰栢游歷中外所至有賢聲且篤於友道迴越等倫予益慕其人而未能一覲也居無幾何次公遂爲古人予爲之愴然戊午秋偶來南浦得遇公子介繁持厥考詩文請余爲序曰先人手澤所存不忍遺也予讀未終篇輒掩卷而三嘆曰嗟乎文者載道之器杜

舊序

少陵亦曰文章千古事得失寸心知如次公者其洵有志於立言乎予觀世之人溺於功利隨俗俯仰當其未遇也專心制莪而不暇爲其他一入仕途則惟以得失爲心以彌縫爲務求其殫心稽古與優游風雅之林十不得一焉今讀次公序傳諸作藻麗繽紛自成一家言其詩不下千首諸體皆備而中有懇至之語如長汝之痛哭又如監門之繪圖何其悲天憫人而不容自己乎今者舉目瘡痍痛心疾首使次公在位必能偕諸君子竭力興

除而登桑梓於衽席奈何年踰四十遂從朝露不獲展其所長此予讀其遺書而泫然爲世道悲也雖然次公志在立言言傳而次公傳矣且次公有子而次公爲不亡矣予聞介繁年十八時艱難扶櫬咸折衷于禮而多金之逋區畫井然遺大投艱雖老成遜以爲弗及卽今者表章手澤汲汲皇皇殆亦孝思之一端歟夫孝子之顯親也惟以實學爲務故或出或處皆可以光昭前人之令緒俾被其澤者愛敬之聞其名者思慕之咸曰此某氏之子也此之謂敬身夫惟敬身而後可以顯其親於無斃今介繁出而蒞官矣舉凡先訓皆所不忍忘其必翼翼兢兢以守身爲繼述以錫類爲顯揚則次公未竟之徽猷從此竟之若然而次公之所以可傳者豈特詩與文哉遂書以弁其端康熙歲在戊午年家眷弟湯來賀題於章門之旅次

鄭祠部遺集舊序

余自己亥通仕籍距今二十餘年屈指同時故人
不無升沉聚散之感間有文酒相流連道義相砥
礪而才命不偶中道棄捐問其後人或蓬頭練裳
無復自存之勢問其著述或子孫不能守與荒煙
蔓草同盡者蓋比比然也噫是可慨矣若我靜菴
先生與余同讀中秘書相視莫逆爲久要及遷儀
曹司關權歷有能聲典試蜀中歸補原官居無何
一病輒不起余親爲經理其喪歲月推移每時念

舊序

二二

失一良友未嘗不淚淫淫下也今年秋嗣君介繁
來京師請見且以先生詩文屬余爲序夫思故
友而不得見見其賢子嗣如見故友焉此雖得其
單詞隻句猶將珍之懷袖以髣髴其咳唾况其遺
文具在彬彬郁郁者乎古人不朽之事有三太上
立德其次立功其次立言先生爲人淡泊寧靜穆
然自遠其於忠信孝弟孳孳力行而不倦蓋德有
過人者歷任中外所在稱職而勲業未逮論者惜
之今所可見者獨言耳卽以言論其文與詩具在

包羅含蓄無所不有卽列之作者之林亦復奚讓
洵可以藏之各山傳之其人通邑大都矣方今

聖天子加意人材博收天下文學經濟之士使先
生而在內之從容待從外之馳驅四方其樹立有
過尋常萬萬者惜其可見者獨有言在也余知先
生最深傷其能立德而不永年能立功而不究其
用因推本生平爲序而歸之介繁且望介繁之能
光大其前業焉後之覽者不徒以先生爲能言之
人則幾矣昔康熙己未季秋吳門年弟葉方藹拜

舊序

撰

鄭祠部遺集舊序

次公鄭先生以康成仁表之才兼供奉工部之遇著爲詩章孺子亦知樂人爭誦矣介繁世兄茲以遺篇相示屬不文題其端噫嘻介繁其知我而不知我者耶莫爲之前雖美弗彰莫爲之後雖盛弗傳今之各公鉅卿文人韻士皆足爲先生傳顧欲問之坎坷病客將毋作向東之笑或以窮而後工則非窮亦不能窮作詩者之工而欲以窮而窮先生之詩則先生之詩又不可勝窮也謹從窮愁中

舊序

五

洗手誦之或傾河湧泉銳師雄帥或移徽緩調儀鳳翔鸞風流能揭勝會悠然自見南山至其蒿目愴神比類寓物杜陵詩史宣公奏議風人情性之正臣子忠孝之思流連反復涵派汪洋蓋有編之乎詩書而不愧質之乎鬼神而欲泣者使得假天之年抒其深慮遠蘊黼黻廟堂之上豈僅立言之不朽歟卽令抽簪懸車讀書象山中斟酌千古參伍百家則汗牛充棟傳於異日者將不止此崑山之玉滄海之珠矣雖狀先生之詩文其必傳於異

日者已自無疑而有子介繁又能紹述世美凌雲
搏風正可未量其視昔人之門戶琴書不又大相
懸絕耶夫此詩文不足以盡次公之詩文而次公
之詩文可見詩文亦不足以盡次公之人之心而
次公之人之心亦可見固擬諸前者初盛中晚自
成氣格直合後者王李鍾譚竝融畛域先生其真
立言之不朽乎抑因之有感矣曩者謬以樗櫟承
乏時值亂賊鴟張九伐聲討陸不輟蹄朝買駿而
暮收骨水無停舶此鼓柁而彼揚舲夜旣戴星竝
披風雨口甫嘔血旋赴馳驅其濱溝壑者曾不容
髮倖戴

舊序

六

皇恩休歸返哺今復以窶人病客留滯此都行見
民安吏暇耕鑿依然此皆

聖人如天好生而元老實承宣之乃得優游以樂
德化之成也小人有母八旬雙淚夢隔雲山送窮
無策論詩亦何能工從而論之無聊之極思乎且
以嘉先生之有子是爲序康熙年己未十月大中
前二日荆南年家弟胡在恪題於章江旒次

鄭子次公管子旂山皆余己亥同年友也一籍貴溪一籍臨川而余先世自南昌北遷禮不忘本以故於二公有鄉誼中秘讀書之暇常同杯酒敘其曲久之坦率無猜忌其情性同慷慨論古今其識解同居恒不廢詩書興到便成題咏其磊落風雅之致亦復相同辛丑

御試授職一時同學諸公上之列編檢次不失臺垣而鄭子與余同出爲部司其左遷又相同也嗣

後分曹異掌形迹稍疎然而朝參燕會日不足而月有餘形雖間而情益密古稱交久而敬鄭子有焉迨余出守新安鄭子假旋江右聞問不通者數載詎知遂作古人乎可慨也夫戊午之夏余奉

命守信州以公事過薊溪晤介弟於江干又晤佳公子於行館不禁感然悲公子魁岸偉丈夫介弟恂恂有道氣而又不勝展然喜也詢及遺文介弟出一編於袖中作而曰兄氏著作甚富稿多不存小子手錄若干篇幸未燼烽火敢乞一言弁之篇

首則先兄賴以不朽余思鄭子不得見見其友如
見其人其曷敢以不文辭但撫今追昔前此之旅
進旅退歷歷皆同者而今一死一生邈乎其不同
矣然次公之聲音笑貌宛在目前一舉筆輒動楮
阮云亡之歎久未脫稿數月乃克成序又聞管子
亦修文地下弗獲見其子弟讀其詩與文嗟哉愈
增余感矣昔康熙十九年庚申仲春之吉同學年
弟溁陽曹鼎望頓首拜題

舊序

八

東漢劉曹鼎望題首拜題

飲余祭矣皆東漢一丁其山中物春之吉同學年

不於文賦不於藝貝其子弟讀其詩與文嗟哉愈

謂云亡之歎久未脫稿數月乃克成序又聞管子

矣然次公之聲音笑貌宛在目前一舉筆輒動楮

阮云亡之歎久未脫稿數月乃克成序又聞管子

亦修文地下弗獲見其子弟讀其詩與文嗟哉愈

增余感矣昔康熙十九年庚申仲春之吉同學年

鄭祠部遺集舊序

語云父母有善而子不知是謂不智知而不爲表彰是謂不仁今介繁先生將先尊靜菴公讀書中秘時與權關荆署使試蜀闡及往來道中所作無論詩文序記編次成集珍襲以藏可謂善繼善述矣茲復彙其全集梓行於世不既仁且智乎夫人不能立於天地間而冉冉流光者惟是不仁不智耳介繁先生既仁且智如此則何事不可爲將見匡王定國胞民與物皆從此仁智一念幹辦以出

舊序

九

是靜菴公未竟之業不且於介繁先生一身見之乎書曰其父析薪其子克負荷矣予不勝是父是子之羨因爲數語漫識其端非敢云序也康熙歲次己未暮春崇安八十五叟盧傳爾唱氏拜題於洪都客舍

鄭祠部遺集舊序

吾江右古以文章名天下自前輩衰謝而傅平叔徐巨源諸各士又相繼卽世數十年間文章之衰甚矣吾意巖穴中必有藏名山而俟之其人者歟抑吾罕交士大夫國門有人而吾未之見也夫巖穴士獨行孤立有憾憤鬱勃不能已于言而顧沈諸井浮諸江海者其不盡見于世宜也國門有人則終將見之何以宜見而久不見意者其有待而流布歟抑亦其子孫之責歟余庚申卧疾章門鄭

舊序

十

子闡慶以名紙歛戶禧聞鄭子好古學而才力能自濟于患難士之有用者也亟延見於楊前鄭子則手奉其所刻先人禮部君遺集嗚咽以授禧而屬之序他日讀之文若詩並雅暢得古人風軌其名於今之世固宜意所謂國門有人待賢子孫而流布者其在斯歟最後讀與陳元公論錢虞山明詩選及與子弟手札而禮部君之學術見矣謹漕運揭而經濟見矣讀信民謠戰國策雜詩父老歎諸作而禮部君之情性心術見矣卽其辭格所工

雖次山石濠吏子美諸別未見其孰軒而孰輕也
嗟乎子美有言使得而結者十數輩落落然參錯
天下爲邦伯天下治安可俟今使禮部君內筦國
政或出爲方面大吏民牛愁苦當未遽至於是而
天不假年中道隕落則豈亦氣運之爲之耶或疑
禮部君筮仕翰林遷禮部並非有民社責而其發
諸文章詩歌者總總然閱時憂民流連而無己毋
寧非出位之言夫君子立言必取其關於世道民
生雖伏處巖穴猶將任天下之責而況其爲士大

舊序

十一

夫者乎嗚呼世之士大夫以詩文名天下而憂樂
不出戶庭之內語不及于民生吾未知其情性心
術爲何如也禧故於闡慶之請不辭力疾而爲之
序禮部君名曰奎字次公廣信貞溪人寧都易堂
魏禧撰

鄭祠部遺集舊序

昔人云在心爲志發言爲詩詩也者心之籟也人
苦於不靜則其爲詩有拖沓之習無沈永之思多
泛泛之音鮮流連之旨夫安有役役於蠅聲蟻陣
寒冠暑日撫三百綾文傾倒塵埃中而可與言詩
者以故灞橋風雪獨擅詞坊斗酒黃柑專據騷席
而金門玉堂之間求其內引清思外發逸響者代
不數人豈境遇之所移亦居心之不靜而亡今讀
靜菴詩使人撫卷服膺不覺鄙吝之都盡也蓋心

舊序

十一

之靜者一貴賤齊出處如鏡如烟罕有蠛蠓之過
乎其前故發之爲詩恬靜而爽朗深厚而清微雖
歷境之榮悴懷之愉怫時之舒凜觸物言情不一
其致惟寫之以靜心是誠不必擬其若何漢魏若
何六朝若何三唐也要其發乎自狀而擬議以成
其變化者直當於漢魏六朝三唐中高置一席窺
其性情將爲太空雲液流潤金莖而非僅鼓鑄醞
釀之工將爲邢尹二仙服上元寶衣盼睠殊絕而
非復點額捧鬢之態以視近代者如歷下竟陵諸

子曾何足以芥帶耶薊溪之涯象山巖巖鷺湖接
壤山高水清踵生異人朱陸講席在焉宗風不墜
靜菴之詩且傳其薪矣宣僅以燕許手筆相屬云
爾哉鴛水年家弟何元英題於長安邸舍

爾詩驚水筆寒韻向示英題於長安邸舍
精詩之精且體其謙矣宣僅以燕許手筆相屬云
巖山高水清踵生異人朱陸講席在焉宗風不墜
爾哉鴛水年家弟何元英題於長安邸舍

文章不在翰林此自王李諸家解嘲之說未必卽爲正論觀於次公先生詩有以知其然矣夫次公誠登高能賦鄉大夫之選材顧嘗已入讀中秘書高踞館閣之一座則異時豈無名人魁士自負奇氣而不得至於是者又豈無得至於是第保其樸固以終雖幸而重席且復重辱者惟如次公賦後其人望與其地望相副又不獨副是各位而已矣余讀次公靜菴諸集竊感其悠揚激壯皆有清越

而無函胡然文句之外尚餘不蹶夫何足以盡其涯涘已乃歷曹郎守職事竹頭木屑尤不鄙夷而看花往來蓬山近遠未或一見之篇章所由殆與矜夸者迥異於是比年間余再三見次公次公亦再三有以教余蓋所謂刺譏中諸侯之疾者不及之而所謂憂盛危明軫下人之急者則無不至也千載而下其尙復有同春陵行者乎夫終有唐一代之人得而稱詩史者惟一杜工部而實不至史官其於李翰林則特與之齊名耳今次公踐更

無幾何而既兼李杜兩家之官號亦兼有其長矣
自昔序詩者皆言其能窮人而又或反之曰詩能
達人今日之事是達非窮次公初不經意余何敢
爲次公論之母亦曰文章之光芒實有定在世卽
無昌黎乃李杜未嘗不可望而見也年家弟黎元
寬拜題

舊序

十五

寶拜題

無昌黎氏李杜未嘗不可望而見也年家弟黎元
寬拜題
次公論之母亦曰文章之光芒實有定在世卽
無昌黎乃李杜未嘗不可望而見也年家弟黎元
寬拜題
自昔序詩者皆言其能窮人而又或反之曰詩能
達人今日之事是達非窮次公初不經意余何敢
爲次公論之母亦曰文章之光芒實有定在世卽
無昌黎乃李杜未嘗不可望而見也年家弟黎元
寬拜題

原序

新昌黃國琦石齋撰

詩始於風凡生人歡怨之極致皆一一動於天也
古人十九首開天矣迄五柳先生以清真澹巖躡
之平蕪無際然意想未及或時呈天外孤峯乃齊
梁間小兒雕刻萬彙一帷俳儷之將失其天矣歷
唐開元海上釣鰲客竒放奔逸盡歸自然其以銀
漢西傾一夕而經三萬八千餘里視黃瀆東注一
日千里才於天者其於世固邈相絕也鄭子次公
少年工詩余鄉才士也鶴蘆軒一集清真竒逸陶

原序

十六

李殆其朽乎至每篇中多設爲問答此又楚人九
章之則矣閱竟似月夜行山陰道上四顧無人又
似雪夜卧孤山止有梅花相傍天真爛熳秉意獨
行余知次公之未易次公也

平蕪無際然意想未及或時呈天外孤峯乃齊
古人十九首開天矣迄五柳先生以清真澹巖躡
之平蕪無際然意想未及或時呈天外孤峯乃齊
梁間小兒雕刻萬彙一帷俳儷之將失其天矣歷
唐開元海上釣鰲客竒放奔逸盡歸自然其以銀
漢西傾一夕而經三萬八千餘里視黃瀆東注一
日千里才於天者其於世固邈相絕也鄭子次公
少年工詩余鄉才士也鶴蘆軒一集清真竒逸陶

新昌黃國琦石齋撰

原序 崑山徐元文公肅撰

夫履榮席腴則歡愉之情起居哀撫寂則感慨之音發雖情非一致而工則同傳晰而考之亦各有所倚譬之鯨鍾洪叩不能爲絲竹之窈澗鳳笙徐引不能效金石之鏗鏘何則所託者偏也豈若神隨境會興與神偕或登臨有托寄逸調於雲山或車馬長征馮新章於都邑班荆投綰則有贈言之篇擁節持符則有公餘之賦愉不傷佚感不流哀所云宮角和鳴匏絲迭唱如靜菴之詩者乎夫人

原序

十七

靜則契性動則適情物之動者莫動於風樹靜而風鳴之波靜而風激之山靜而風籟之雲靜而風驅之人之有情亦猶是也情感而動動極則成吟哀以寫哀樂斯言樂值緒無端觸感萬變故詩者動物也十五國之詩命之曰風厥義可證矣次公之詩獨以靜名其有說乎夫入於情而不離於性者情之正也托於物而不離於理者風之正也正則雖情亦性雖動猶靜矣今次公之爲人也養氣若抱一其容靜以穆東躬如捧盈其神靜以莊居

官而志澹泊其心靜以遠司權而秉潔素其政靜
以簡宜其居之字以靜而靜之可以蔽其詩也昔
者蓬池供奉才擬謫仙繼而畫省廻翔詩稱工部
流連於越蘊茂林峻嶺之奇歷覽荆湘賡刻羽流
徵之調舒卷烟雲吐納璣玉三復而長吟之若披
襟而當清風之拂也詩有之曰吉甫作誦穆如清
風言詩之靜也次公有焉

原序

十八

風言詩之靜也次公有焉

樂而志澹泊其心靜以遠司權而秉潔素其政靜

以簡宜其居之字以靜而靜之可以蔽其詩也昔

者蓬池供奉才擬謫仙繼而畫省廻翔詩稱工部

流連於越蘊茂林峻嶺之奇歷覽荆湘賡刻羽流

徵之調舒卷烟雲吐納璣玉三復而長吟之若披

襟而當清風之拂也詩有之曰吉甫作誦穆如清

官而志澹泊其心靜以遠司權而秉潔素其政靜
以簡宜其居之字以靜而靜之可以蔽其詩也昔
者蓬池供奉才擬謫仙繼而畫省迴翔詩稱工部
流連於越蘊茂林峻嶺之奇歷覽荆湘賡刻羽流
徵之調舒卷烟雲吐納璣玉三復而長吟之若披
襟而當清風之拂也詩有之曰吉甫作誦穆如清
風言詩之靜也次公有焉

原序

十八

風言詩之靜也次公有焉

詩而當清風之拂也詩有之曰吉甫作誦穆如清

風言詩之靜也次公有焉

詩而當清風之拂也詩有之曰吉甫作誦穆如清

風言詩之靜也次公有焉

詩而當清風之拂也詩有之曰吉甫作誦穆如清

風言詩之靜也次公有焉

原序

石城徐

惺逸菴撰

余自己亥秋識鄭子次公於金臺玉卮劍氣望而知爲異人坐定寒溫茗詒之飭詢及近履延西江理學文憲世家當髻齒時卽已肆力經史旁及秦漢晉魏唐宋諸子百家之言淹博貫串畢舉靡遺年未三十成進士視草木天移官卽宿一時功各之士嘖嘖豔稱究在鄭子若固有之夫亦何足爲鄭子多哉余邇來薄宦潦倒每鄭子過從詩文接對之外從不及一世事頃值其便道以病假憇荒

原序

十九

署幾數閱月或鵲起晨窻或鑪聲永夜素魄乍轉燭且履跋呬唔商榷時爲僮僕相視竊笑迺余兩人怡然自若也觸目賞心積案盈几而余獨傾誦梅墩一帙爲嘆服不置五言古如移我萬卷書分置室左右繫余子若弟勉旃無釋手如乃知名山遊事與讀書類細討理愈出一到一廻異七言古如官俸無多那得歸猶以營經煩我弟如但恐光茫理未全豈有此材長貧賤五言律如一官竟何補舉族尙多貧如爾曹應各勉祖德况猶新如方

期同賭聖忍遠聽歌驪如此別會何日他時想更
新已覺官爲累誰云叔不癡如汝毋慈堪倚我途
行且休如菽水念雙老宗祧系一枝愛親還自愛
明發願深思如江西千載水長遠石城流七言律
如養不逮存真子罪仁猶及沒頗君恩如故友只
今存幾箇青山依舊遠寒渠如得作大平民口足
深山高卧亦君恩如自嘆逢人惟我拙方知得友
似君難如是等詠皆真至一氣殆情深於君臣父
子兄弟朋友之間而於宗族天倫之樂獨諄諄三

原序

致意焉非輒近故爲漫漠者比余故與鄭子相期
不淺此直足爲鄭子多也故於其行也爲漫識數
語於簡端鄭子其亦心然余言乎哉

今并撰箇青山於書盡表栗映於林天平月用足
取發不疑其真子異之辭又與醉甘恩賦地文只
博幾醉習思賦以西于薄水長遠石城流七言律
谷且於賦茲亦念數表宗祧系一枝愛親還自愛
稼則資官爲累誰云叔不癡如汝毋慈堪倚我途
期同賭聖忍遠聽歌驪如此別會何日他時想更

鄭靜菴先生詩集卷之一目錄

蕪溪鄭日奎次公甫著

五言古詩

乙巳歲暮絕德意二十韻

蜀闡二首 次公甫志十六韻

別離古意

結髮

飲酒二首

采信

詩集

目錄

江陵火

望靈山

東山旅興二首

山中雜詠

讀孫北海先生退谷志十六韻

邯鄲

正沙市

武昌

赤壁 詩集卷之一目錄

蘇州日奎次公甫著

蘄州

雙流鋪阻風

山廬

彭澤

小玳山

阻風磨盤州

遊虎邱山

重遊虎邱山

劍池

詩集

目錄

線天

東華山

小隱巖

中航渡

葺書屋成示諸弟姪

重遊一線天

固關

介山懷古和王貽上

望嶽

荆南行

五丈原序東波原韻

神宜驛

朝天驛舟中作

千佛巖

別峩眉山

灤西草堂

郊亭

楊伯起墓

詩集

目錄

題畫

贈王報菴

湖口別三弟幼公

別內

諸子同集柳塘書院

贈黃石公給練

贈徐子孺先生

金大聲方伯錦江舟集

宴西雲將軍署

梁郭兩將軍招飲

晤蔣虎臣先生

盆魚

盆石

牡丹

秣麗

菊

蘭

永安宮

詩集

目錄

一四

讀江擴我合豨草

虎邱暮歸有懷江嗣芳謀祖洽王炳若三子

下第留滯京師

茶井

吳王塚

短簿祠

清遠道士

幽獨君墓

生公經講臺

秦皇試劍石

五賢祠

五人墓

真娘墓

白公隄

題畫與王報菴

五面石

詩集卷二目錄

七言古詩

詩集

目錄

荆南郎事

西師告捷喜而有歌

桃源行

山霧

飲酒

春山居士

讀青蓮集

讀少陵集

讀長吉集

徐文長集

寶劍

春日卽事

舟望廬山

送別

爲朱西長題畫

送楊九昌南歸

寄懷管旗山年兄

王大愚以五言律見示

詩集

目錄

二六

贈尤汝厚宏祚

贈袁孟巖儼

贈劉遜公國任

陳頡仙篆書歌

留別方雪岷司李

贈張寧阿明府

贈朱曙清

送劉石潭

戲示陶堯生

以詩止詩與陶堯生

止酒吟

破戒吟

曾育黎為余談靈巖之勝欲往未果

得請南歸即席留別

抵家

徐子孺先生畫幃歌

沂署較奕歌

舟中郎事二首

詩彙

目錄

二七

江行遇暴風

祭風臺

漢陽渡

邵陽王氏

黃鶴樓

春感

登仲宣樓

龍井

北行感興

過石室詩

夜雨志感

龜山老榭

詩集卷三目錄

五言絕句

紫微觀

才子

俠客

壯士

詩集

目錄

佳人

秋風

送客

雁歸

七言絕句

讀史二首

卽事

九日口號

贈沈國望中翰

戲贈虎山寺漢上人
與陳靖共中翰三首

江行
江行詩二首

題畫六首

射兔圖
畫二首

墨竹
二首

墨蘭
皇本二首

龍山圖
皇本二首

有抄得黃鶴樓詩一帙見示者因得口號

詩集

目錄

二九

武昌別方孟甲
詩二首

美人圖冊子爲翼皇蔡公題

秦始皇本紀三

夢歸二首

郭璞讀書處

玉壁城

新津渡別意二首

巴東竹枝歌六
二首

追別王貽土於江陵

山中雪浪石二首

繡毬花

金盞花

玉簪花

幽人居

嵩山寺

亮上人

黃金臺

詩集四卷目錄

詩集

目錄

五言律詩

庚子春大閱從觀恭紀

禁中春雨館課

孝陵二首

幽居

赤驥

看舞劍

山遊

兩泊

落花

寄贈

金陵

六月八日舟次儀真

對菊

送姚冰壺之任南陵二

送于明府之任仙遊

送別

偶成

詩集

目錄

三十一

贈李念白任晉江

生日口號

寄陳以敬

贈鍾偉巖權杭關

贈龔扶萬守永昌

贈朱宛君合宣城

偶成

護花

調鶴

登明遠樓二首

使事託賦別王貽上一首

贈陳子野令林縣

漢中贈李儒珍

贈別楊允昌

別弟後悵然有作二首

金陵月泊

題蔡郡伯來青亭

寄嵩山次齋禪師

詩集

目錄

三二

別姪肇敏

別稚子闡慶

別內子

奉酬徐逸菴先生三首

沔縣

黃沙驛

八陣圖

過天柱山

峽中郎事

聽雨
呂中吟

披風
餘示前坐

待月
味韻二首

踏雪
味韻寺齋

別署
典瑞齋中山齋

觀瀑
林齋春

十落葉
詩

寒食
日

西山寺

詩集

目錄

三三三

贈苑簣山學士二首

詩集卷五目錄

七言律詩

初入翰林讀書

奉使典試蜀中出都作

闈中和同考韻

中秋和韻二首

榜發後示諸生

春山居中吟

鷺湖山

贈劉石芝釋學

壽張姍翁

將卜居葛源

飲弋陽鄧衛玉家同徐上俞諸子

遊龜峯次劉楫菴韻二首

山居效白傅體

答友

渡江

送家信從兄使鳳陽

詩集

人目錄

中秋無月

滎澤

河南道中

署中遣懷

鄭鴻雪學博

春雪次鴻雪韻二首

暫駐魯泲口

贈翟湛持司李餘州

寄別李浪山先生

鶴意

雜興二首

題朱建侯塊阜山園

拜謝文節先生墓

弋署中石我亭

郡中留別祝震默江嗣芳諸子

臨安懷古

謁王綏山先生

上王鶴山先生

詩集

目錄

過揚州

贈宗有六郡丞

贈朱方菴司李

上朱嵩若先生

送廣信協鎮

賀羅年伯暨夫人榮壽

贈郁子弁之任永豐

栢巷二首

涿鹿道中

真定道中

芹泉道中

自靈石趨趙城

立秋

驪山

成陽懷古五首

楊妃墓

興元

懷蔣虎臣先生次貽上韻

詩集

目錄

三六

歸夢

九日金大聲諸君招同王貽上城南小集

登錦宮樓志感

別金大聲曹節民張瀾柱

喜晤王報庵袁孟巖諸故友

雁字六

桃花

芍藥

海棠

梨花

茶蘼

蓮花

石榴花

木芙蓉

桂花

紫微

水仙

梅花

詩集

目錄

三七

紅梅八首有引

又二首

觀音蓮

楊妃

七姊妹花

竹芙蓉

過南陽弔江省菴先生二首

哭江省庵先生

余司權荆南時歲在癸卯今茲重過遂已十

年感慨交深愛得一作

詩集目錄終

鄭靜菴先生詩集

五言古詩 薊溪鄭日奎次公甫著

五言古詩

乙巳歲山左右大饑

上特發帑藏遣官分賑復

天詔免本年租稅恭紀

德意二十韻

維皇綏萬邦屢豐荷天眷茲歲胡不年齊晉交苦

旱赤地幾千里草木盡枯曠三麥無粒收極目炊

詩集

卷之一

五言古

二八

煙斷逐熟竟何方壺觚咽里閉猶聞人相食不復

識親串恐以饑困浚或召潢池亂常平法久廢荒

政無長算封事夜半聞

天子起坐嘆民饑猶已饑忍視此塗炭詰朝德音

下不藉廷臣贊漢租既全賜周粟復大散仍諭奉

行吏星馳未可慢救災同焚溺恩施且立渙仁共

惠風翔澤並春霖漫立起溝中瘠而置之彼岸無

事禱桑林豈特歌雲漢僉謂聖明世有災不為患

拜手紀鴻猷千載光簡汗

蜀闡

峩眉秀天半錦江流湯湯山水誕靈異揚馬發其
祥菁華一以洩菘苑開羣芳遙遙二十載光怪鬱
相望吁嗟滄桑改往事日荒唐兵劫流餘氣詩書
氣不揚頰慮大雅凋淫蛙同蝸蟪起衰裁軋苗愧
非韓歐陽錯然衆態陳誰提玉尺量王君具特識
洞見垣一方佐之以羣彥一一衡鑒良同行得寄
日水母不敢盲糊眼敢糊心精白謹自將少年困
塲屋辛苦詎能忘

詩集

卷之一

五言古

三九

又

聖主儼垂衣求賢勞側席簡在雖無方制科稱克
宅皇皇兩朝盛文教敷絕域猶與爾巴蜀久矣在
埏埴報國惟文章素業諒已殖薪槨既在望光華
詎可匿文翁得張叔歐子得蘇軾盡由荒僻起斐
齊樹名節時旣值隆平地不殊疇昔鳳麟儀盛世
龍蛇產大澤應運應有人追躡前賢跡願從尺幅
內一一歸物色元凱熙唐祚舉髦盛周室庶幾萬

里行敬告臣事

華

別離古意

妾歸君未久君遠遠別離一別經幾年還家杳難
期知君志四方不悔歸來遲奈此空閨中坐看歲
月馳歸君况未久敢言兒女私君卽不負妾妾意
能無疑攬鏡起歎息容光難自持安得色長好待
君歸來時

結髮

結髮爲君婦屈指今十秋宿昔勤作息小心事衾
稠自謂可君意膠漆同綢繆因恃恩愛深爲君計

詩集

卷之一

五言古

四十

必周心貌任憔悴不爲容光謀豈知君意移弗復
相存收沉憂煎我腸有淚不敢流君非負心者致
此誠有由妾自不工妍敢以爲君尤成君薄倖名
乞君自爲等

飲酒

鉛刀亦可割何必棠谿銅爲足亦可騁何必大宛
騾物生無妍媸所貴與時逢無妨虎變鼠不羞蛇
作龍

又古意

鳳凰食竹實高岡嘗苦饑雞鷲食稻梁樊籠嘗苦
肥請以彼易此所性不能違將從高岡隱抑向樊
籠樓

米信

客從故鄉來倉皇問米信聞說歲有秋頓解旅人
慍却憶十年來豐歉遞相趁常平法未備穀賤農
亦困一斛易百錢流濫不自靳昨歲忽饑貴急難
誰復振荒賦未全蠲催科猶覺峻豪家倉困閉泛
戶資諸盡比屋少炊煙載道多流殣官廩豈不發

詩集

卷一

五言古

四一

鼎鬲慮旁滲稍稍事刼奪有司不能禁矧令畿輔
地仰粟江楚邠冀方亦沃壤水利誰疏濬坐令億
萬衆待命唯漕運東南一告饑西北詎可問長孳
昔中天有兆不必應爲患疾而鉅自古唯饑饉所
以水旱災亦爲堯湯病甘草生楚江黃星沒吳分
一方幸成熟率土資流潤詠言聊志喜詎止爲田
畷

江陵火

荒城午亦靜忽聞聲噪喧誰家直突發發自城東

垣盲風翳其威勢若燎平原聯延燦四達汲縵不
及援燼飛亂星隕烟騰日爲昏疾如雷電趨洶疑
雲海翻華軒與苦蓋所過一無存市人委百貨號
呼兢崩奔薄暮災始罷餘烈猶如燔纍纍喪家者
悲啼慘人魂我來一省視惻焉心徒捫年來荆南
郡灾沴難具論歲歉值軍興蕭然費已煩云胡爾
回祿復不相爲恩豈謂盛世民猶然多死門禦災
嗟何術惆悵思劉昆

望靈山

詩集

卷之一

五言古

四二

茲山何秀拔百里引瞻視人代幾戰爭山自終古
翠攢峯七十二竒詭不一致雷雨隱其中日月跳
相避深窈望不盡但驚截築勢應有采芝人高隱
雲深處我欲往從之討此山中趣年年遊屐阻臨
風空感喟

東山旅興

旋愁日較長晨夕如今古遲遲明月上光氛森四
宇誰家張夜讌絃管隔煙水安知羈樓客悲歌風
雨起

其二

空庭坐孤峭，晦默思自存。世事亦可知，所以長閉門。
歎息淮陰客，未償一飯恩。一從漂母去，千載饑王孫。

山中雜詠

兀兀山中居，殊足幽人意。晨興無一事，坐靜挹遠翠。
有客何處來，欵扉致問慰。一見便坦然，笑語罔疑忌。
呼僮漉濁酒，留君且共醉。山蔬味清冽，且無膏粱費。
時來松間風，送響作鼓吹。引觴共連流，疑在羲皇世。
不知城市客，有此風景未。

詩集

卷之一

五言古

四二

讀孫北海先生退谷志得十六韻

譚承澤

山水負竒致，鬼神所秘惜。惟古素心人，冥冥深契識。
先生胸眼別勝地，不敢匿千年。蕪未芟，一日瓢已宅。
寒嵐護幽居，空濛翠欲滴。泉石各能古，竹樹森以鬱。
可以坐冥悅，霜雪養魂魄。亦可聚觴詠，風月共麾斥。
此中觀天地，浩浩何主客。先生與俱遠，寤言志所適。
嗟余亦倦遊，披卷如有覲。因之思故山，故山正森碧。
夙結友朋契，娛賞匪晨夕。微名來

毆之草草成棄擲風塵暗前途出門悔且惕何當
翻然歸願言永無斃
邯鄲
夜宿叢臺驛曉望邯鄲城高風吹短髮古事生今
情歎息趙平原好士徒以各一笑殺美人意氣爲
客傾云胡三千士所獲止毛生平居不能識猶以
自薦行郤秦功雖高良媿倉卒成丈夫週知已行
使一軍驚安能三年間衆人同將迎便當折長鋏
歸向南山耕

詩集

卷之一

五言古

四

沙市

沙市故郢都自昔稱佳麗煙火十萬家鷄犬雜鳴
吠亦有臺與榭星布而碁置車馬道相錯衣冠競
新製歌舞溢閭巷不以晨夕異况控南北衝擅有
江海利估客千里來道路無留滯雲帆亂青浦紅
塵蕩遊騎財幣流如水所在足更費曾無凍餒患
安識兵革事吁嗟此風景父老猶能記云胡一息
間寇馘忽昌熾殺氣暗荆南焚掠無一遺昔號繁
華境今作榛莽地年來安集者百未餘一二嗷嗷

中澤鴻生理多顛頓軍興況未已天災復爲厲生
聚與長飡實賴司牧計漢時劉與郭曾此稱良吏
芳風如未邈盛事猶可冀作歌志所感想望於焉
寄

武昌

武昌古都會地勢控吳楚烟火百萬家自昔稱樂
土一自兵興後此地頗用武靡然屢發動其傷征
役苦子遺雖有存俯仰多失所西征初告罷瘡痍
急待撫嗟民之恃吏猶如嬰恃姥繭絲與保障此

詩集

卷之一

五言古

四五

理宜酌取無謂民則愚懷德無今古至今江漢間
猶能說杜父

赤壁

漢魏事已陳楚江尙如帶扁舟下西陵羣指赤壁
在徘徊詢古跡喟焉發長慨憶昔炎運末天王律
已壞神器淪榛莽羣兒競狡獪魏帝起鄴城氣志
籠一代屈指論英雄一言不相貸惟使君與孤蠢
蠢失流輩當其下荆襄目已無吳會舳艫千里接
勁弩雜長鎩橫槩賦詩時傑然露雄槩詎知吳兒

能水戰足倚賴天意未殲劉東風起光怪三炬犀
甲焚百萬頓狼狼遂令紫鬚翁坐有江東大奈何
豎儒流論人以成敗壯士吞吳憾千載幾沉晦我
來過壁下把酒臨風灑猶聞英爽怒江聲日滌滌

蘄州

盡日洗舟行所望皆平衍蘄州獨多山心境爲一
變沿流數十里岡巒互回轉參差過目前若連若
復斷修竹倚層邱寒花媚高岸石林團日色作意
流光絢茅屋無幾家依崖或臨澗猶聞雞犬聲隱

詩集

卷之一

五言古

四六

隱出幽舊樵侶隔煙呼牧子穿林見魚鳥不相驚
山水自爛熳萬彙信可悅一望詎能厭猶令行役
客觸目起深眷况歸故山去煙霞自把翫塵網猶
羈人對茲發屣歎

雙流鋪阻風

十月北風多於時絕非偶逆砍駭狂瀾長年不敢
扭三日泊橫灘兀與燼汀守朝看鴻雁飛夜聽蛟
龍吼客思慘無聊呼尊且進酒世路饒險阻於今
復何咎但念故園客閒閔在十畝日共白雲遊風

波何處有

廬山

廬山擅竒勝昔賢所共稱停鱸一以望秀色猶可
憑雲樹冥無際峯勢何稜稜固宜嘉遯士接響世
相仍懷哉陶靖節籃輿曾此登高風激塵俗與山
同稜嶒慧遠屢欲致劉裕空相徵冥冥萬里鴻安
知蚩與蠅白衣不送酒誰從識王宏寄語乘軒客
畜員詎足矜

彭澤

詩集

卷之一

五言古

四七

維舟彭澤下緬然思陶令五柳今何如清風知未
竟想其賦歸來素志云有定豈以一折腰悻然始
解耶漢時嚴子陵遭時亦明盛故人自天子終遂
狂奴性桐江與粟里千載聲相應念之動余懷風
雨正晦暝

小孤山

何年小孤山突向中流起亭亭百餘仞立壁四無
倚高截天之雲下蟠湖之底石氣森孤寒草樹不
敢美吹鳥紛紛下遊軒少至止惟餘幽菴中一寺

縮崖趾江流自日夜此域無增毀不謂一拳力而
欲金焦北信知天地心狂瀾須一砥山水且復然
人境今誰是

阻風磨盤洲

舟行阻風潮客子縈懷抱維纜入平嶼卷幔舒愁
眺大江蒸氣澤迷濛失昏曉遠浦征帆沒近洲村
火少奔濤乘急雨澎湃如山倒豈有蛟螭起屢毋
共騰踔舟子動色戒湍險信所保平生仗忠信南
阻憑天造但念王程急怒焉心如擣安得鴻假羽

詩集

卷之一

五言古

四八

奮飛長安道

共遊虎邱山

吳中饒名勝茲山信曩邈突起平疇中規恢恣神
巧信知造物意回幹資幽討杖屐一以過卽景無
不好懷古周陳跡久矣豔圖杳碑老苔篆落劒浙
靈光宵祇餘覺王宅綠崖競飛遠澗壑冰雪寒石
林意態矯煙披而日盪正紺或雜縹禪客寄高跡
詞流遺清藻冥搜殊奧異曠覽復浩渺吳城十萬
家指顧差可了近水明千帆遠峯沒獨鳥如對荆

關畫恐竭天地寶快哉旅遊人間愁藉瀟掃

重遊虎邱山

客吳甫十日茲遊亦已再恐漏山川肯敢辭踵趾
憊入門非生客一到得一快松杉已我識巖壑似
我待石氣盪烟影故作竒態訪古摩斷碣探異
過險隘奧如復曠如意中忽意外眺聽仍舊遊
想疑新屆豈直窈冥際山靈弄狡獪平生號竒癖
有眼如箕大篋中名山記已收或旋汰何如此
拳搜討殊所耐嗚呼龍門逝柳州亦異代竒文志

詩集

卷之一

五言古

四九

勝蹟有志竊未逮數行留壁上聊以寫心愛

劍池

何年裂蒼礦割然開此池湛盧知在否幽壑不可
窺鐵花蝕兩岸怒起鬪險巖湍瀨受其束千古無
流嘶老樹莽迴合日月半蔽虧噓壁陰風寒到潭
雲影遲殺氣凜若存夜深泣蛟螭神物豈久伏靈
湫恐遽移好爲山祇屬敬防雷雨時

一線天

登高復臨深所欲盡竒態側身蒼翠中試足魚龍

背兩崖勢欲合萬象全幽昧仰露一線天頓失天
宇大日月無多照歛忽異明晦縱橫羅怪石躑躅
有餘礙淙淙半空溜直下洩潛瀨濕雲凝不流鳥
聲雲內外靜覺雷雨蓄幽疑鬼神會因想開闢初
五丁力稍懈一罅不及補千載詫竒怪坐嘯窈冥
中無言但稱快異境豈恒遇茲遊矢當再

東華山

逶迤出谷口側望東華峯鬼工自何代削此青芙蓉
盤根入大地高標凌蒼穹四山不敢逼孤意兀
自雄隱隱磴可拾遙遙天欲通一寺踞其巔竹樹
相蒙茸煙霞繚繞之益覺勢巖崑遐想此中勝真
堪息勞踪擬卽躡屐往蹇蘿其松且留不盡意埃
之秋若冬天風落鐘聲猶以盪心胸

小隱巖

竟日窮搜討幽意猶未足更過小隱巖隨步恣清
矚兩壁勢相拒一徑往如復石跨澗爲梁僧緣崖
作屋簷飛四時溜窻倚千竿竹山花不辨名谿草
隨意綠風煙接混茫聲光相爲觸主人意殊快張

讌巖之曲高歌翻宿鳥清吹振林木促席盡綢繆
開襟謝拘束安知高峯外夕陽下平陸

中航渡

飽飫雲水趣未覺歸來遲回首山徑黑暮靄何紛
霏巖城譙鼓動行路人已稀艇子候渡口燈火明
江涯辭輿登盡艦鼓櫂臨清漪灘聲亂人語不知
舟暗移魚龍潛不動水鳥驚忽飛下視碧潭底星
河影倒垂暝色帶遠郭煙樹相迷離涼風颯以至
零露霑我衣夷猶歸路晚此景還堪怡於焉各揮
手後會當何期明朝塵事多念此猶依依

詩集

卷之一

五言古

五一

葺書屋成示諸弟姪

有昔無書舍假館鄰家叟久假而不歸念之頗爲
忸昨市溪東宅爲宮僅一畝構造已非今枿櫨半
卽朽鼠跡竄庭除蝸涎篆棋枰每當風雨急如傾
醪注卣呼工商所葺庀材十未九拮据事備作促
襟輒見肘草草兩月餘完美亦云苟主人出門笑
似此殊不醜明牕而素壁蕭然靖塵垢雲山當戶
前竹石遠屋後崇飾雖不足幽致亦可取石渠與

金谷洵美非吾有何如此數椽青氈足自守移我
萬卷書分置室左右牙籤雜縹緗古色照瓊玖千
百年上下開卷可參剖繫余子弟輩勉旃無釋手
丈夫志四方詎以安居狃勤爾晨夕課以埃風雲
偶里言聊志勗此意無余負

重遊一線天同楊允昌陳茂植家秀子兄及

弟康公幼公姪肇敏稚子闍慶

離此已旬餘幽夢猶杌繫邀侶踐夙諾詎厭登臨
瘁一逕高復下如升更如墜幸是舊經過稍稍忘

詩集

卷之一

五言古

五二

憂悸曲折烟蘿中巾履濕寒翠山花已識面飛鳥
無猜忌日光壁上碎泉響雲外沸猶是昔峽岨作
覺今斌媚乃知名山遊事與讀書類細討理愈出
一到一回異所以宗少文欲作卧遊記歎余十年
中風塵自顛賴長安木石價等瑯璆貴囊空目
不飽祇增雅人恚碧山不負吾對此殊增愧作歌
告同遊微尚終焉寄

固關

黃塵逐征旆行行固關道一逕蜿以蜒曲與千山

抱躑躅高復下郎景無不好遠岫競奔騰近峯互
繚繞或若虎豹蹲或如蛟螭掉參復浩多端連娟
青未了風煙莽明滅陰霽亂昏曉轉側失前路忽
復通幽悄洞壑鬱嵒岈鬼物恢神巧巖棲僧寺深
穴處人家小移步變萬狀延矚收羣眺稍前近關
隘益覺姿雄矯戰格依高雲勢共秋天杳狹難方
軌度險可一夫保美哉山河固信矣諸侯寶何事
閱戰爭興亡一草草徒使旅行人感喟中如擣逝
將御天風絕頂立縹緲一謝拘墟見縱覽窮八表

詩集

卷之一

立言古

五二

介山懷古和王貽上

一從驪姬泣晉社幾蒿萊天悔唐叔禍公子從西
來五蛇輔一龍草昧開雲雷何事此一蛇中野獨
徘徊天功不敢貪肯辭焚如災風吹綿上草義士
中腸摧吁嗟古今事過眼同飛埃寒食一百六千
秋爲誰哀同時狐趙輩於今安在哉

青未望嶽

青未望嶽

金天氣森峭大華踵其異秀削五十仞橫亘西南
際憑河面雷首特此尊位置摩空裂冰雪拔地樹

寒翠峯嶸復娟連鏡刻出人意無乃鬼工勞我疑
鴻濛做竭來秋雨後石壁流雲氣亭亭青蓮花倍
覺增嫵媚明星淡以高玉女相迢遞羣山赴奔錯
各各狀殊類雷電鬱窈冥日月互虧蔽箭括止一
門登探良不易憑軒一以眺賞延雙目綴冥念空
霞舉撫躬尚塵累役車未可休遊屐何時遂行攜
謝眺詩尋源問白帝長揖告山靈呵護待回轡

荆南行

大造流沴氣陰陽多愆伏遂令荆南地灾侵遞相

詩集

卷之一

五言古

五四

蹙入夏五六月祝融方秉籙驕魃乘之起炎威助
其酷火雲蒸大地川焦山以禿稼穡不可救黃埃
紛相觸徒勞卒牲璧不聞沾霖霖旱虐猶未息水
患復見告初瞻山雲出父老欣相祝胡天怒未已
復此布荼毒誰驅青駱行孰把滄江覆靈雨起橫
流瀕洞失平陸聲疑撼天門勢欲裂地軸已沉千
里沒安復問種稔悲號徹原野傷哉慘耳目萬家
今餘幾元氣何由復昨復聞軍檄吏呼道相屬西
山寇未夷王師將駐牧糗糧及薊芟儲戒必以

夙官家有嚴程不敢緩鞭朴急公民之誼賊殺民
所欲獨憐熒熒者俯仰力不足安得監門圖一代
百姓哭上邀堯湯惠下沛窮簷福庶幾災沴餘猶
獲遂生育愧余才分薄對此空輦願何如翩然去
高舉凌鴻鵠局外無端愁庶不勞心曲

五丈原次東坡先生原韻

我懷漢武侯詎知王爪牙數言定荆益八陣盤龍
蛇漢賊不兩立驅兵出三巴氣吞曹馬輩直欲折
壘搗姦劉數未盡伊呂功何如不謂大星隕成績
悲風激暮笳

神宣驛

下馬投古驛候吏具盤餐却喜靈雨後及此見朝
曦濃陰解欲盡涼颼靜無喧羣山取次出溼翠如
可捫茅屋八九家雞犬稍成村古樹蔭道周流泉
遶山根蕭蕭驛亭中畧有幽意存輕烟散花竹隱
約留雨痕卽事聊取娛把酒勞征魂前行復危阻

眷此真難護人生既行役夷險安得論

朝天驛舟中作

山行憚危阻乘舟思御風詎意蜀舟制不與南土
同前半稍舒敞縱橫羅橈工向後已偏仄廣不及
一弓牕牖了不設蓬壁周遭封眺覽理所絕宛坐
廬穹中不知舟外山窈窕爲誰容反思在陸好耳
目得豪雄登陸意所憚入舟心彌冲納納乾坤大
吾將誰適從無怪阮步兵回轅哭途窮

千佛巖

詩集

卷之一

立言古

五六

何年驅鬼工絕壁逞殊藝劖此祇園樹無事土木
費屋不瓦以簷堂不塗以墜樓閣何玲瓏中正如
來位森森白豪光三十二相備菩薩諸聖賢分列
左右侍亦或別龕居兀坐發定慧低眉與努目慈
猛各有寄普門品仁賢華嚴經富貴一一從石出
如見西來意頑礦胎佛性空山走靈氣午夜龍鬼
叅真漠天人衛終古俯滄江劫火不能祟翳余根
器鈍匪石不可礪停橈此一望怛然中生媿何由
乞慧劔割此塵勞累三歎放舟行前溪風正厲

別峩眉山

西蜀饒名山茲山首稱奇背岷面錦江橫絕坤之
維萬仞裂冰雪掛空拂雲霓迢迢入十盤紅泉繞
丹梯仰捫井參近俯瞰嵩華低峯巒鬱岌巖洞壑
仍逶迤其陰蓄雷雨其陽靄煙霏晶英蘊靈詭光
怪何陸離羣態窈冥中明滅誰端倪頗疑大澤枯
蛟龍互躩踞蒼然秀天末鬼物相呵撝九宜仙與
佛滅景成遐栖我來事行役訪舊偶此窺光響亂
眺聽雲氣沾裳衣入山甫十里豁然靈胸期何況

詩集

卷之一

五言古

五七

灤四草堂

灤西今如何風煙莽蕭械居人指相告舊是少陵
宅憶君入蜀時干戈苦奔迫浣溪席乍煖復作夔
門客赤甲鬱岩巖白鹽盪雲蜺旅憂雖不展勝槩
此可適空懷戀主心莫陳濟時策稻畦與果園瓊
瑣課晨夕懷古白帝城問奇入陣蹟篇章渾漫賦
奇情何橫溢湘娥簾外悲山鬼夜中泣凜凜忠義

氣垂天未衰息壯哉瞿塘峽百川日盪激興至筆
偶援氣欲與之敵斯人既云逝斯地不殊昔東屯
及北崦寂寞空陳跡猶餘萬丈芒千載照嵐壁

郊亭一首

閒閉郊外亭闕盡車馬客相彼風塵間將無嘆勞
迫人心固不同安知非所適倦鳥因風還前山日
已夕

楊伯起墓

青松夾古道阡陌直以修蒼莽烟靄中豐碑蟠長

詩集

卷之一

五言古

五八

虬關西楊夫子藏骨此林邱大鳥去不還直喪嗟
何求緬惟四知言清風一何邁天地鑒此心子孫
載其麻只今過墟墓宛覺音徽留嗚呼夫子逝世
路轉謬悠悠煌煌要津門車馬來何稠黃金與白璧
白晝公相投貪不畏人知廉嘗疑衆咻賢愚本同
盡芳穢分千秋長河日東下浮雲駭四遊斯人久
寂寞感歎何時休

題畫

羣峯遶一屋叠翠如螺鬟中有幽居人逍遙長閉

關落花滿庭際好鳥鳴樹間潺湲澗下水掩映松
桂顏紅塵不敢侵白雲相與閒豈許車馬客此中
時往還高風激難卽我思鹿門山

贈王報菴

郢下多詞人王子邦之傑蓬累三十年獨當名山
業雷電鎖胸次風雲供筆墨頓覺屈宋輩音徽曾
未歇新詩日益富惠我動滿篋縱橫千百言一字
不肯劣乃持丈八矛與我短兵接昆陽虎豹慄長
平屋瓦裂屨鼓氣不衰詎曰三而竭平生勇大敵

詩集

卷之一

五言古

五九

對此情忽怯退舍爲一避雨賢豈相阨夜靜客思
閒窓寒燈影滅猶覺幽寂中聲光相震燁

湖口別三弟幼公

飛飛江上鴻颯匕江頭樹那堪骨肉親於此悵分
袂爾歸良所欣我去嗟何謂雲鳥足故園風波盈
客路念之心爲摧泣焉淚如兩胸中千萬端惶惑
難具舉因思人世間得失良有數因應貴自然謀
力詎所致去去勿復言徒然亂思慮但囑到家時

早寄平安字

三載于役中艱苦同所歷王事雖我遺荷不交徧
謫歡聚苦未多分飛復何急子歸我仍去能不深
悲戚故園有生事歸當勤所職清儉吾家風綿之
卽爲德我聞鹿門山昔有偕隱客擬卽拂衣還與
子繼前跡毋然悵遠別相對淚橫臆

諸子同集柳塘書院

憶昔余山居百城高自衛睥睨當世士頗有元龍
氣一自入城邑欣與多士聚握手露肝膽笑語無

詩集

卷之一

五言古

六十

猜忌文壇共操觚墨兵各淬履差可當一面不爲
大帥棄遂起建旗鼓角逐中原利薊邑百年來勝
事屬吾輩同擬振奇策聯翩風雲際何知得與失
理數良難計閔却湛盧鋒鉛刀先就試苟然爲前
驅俯仰增余愧從此異出處南北各一地出門無
至友十步九欲泥草草七年間塵路自顛顛回首
昔時樂徒然勞感喟此來欣再合故人不我異觴
開春光好花柳競明媚意氣各得揚良晤况非易
四座且盡歡一石無辭醉莫待他時別相思字空

寄

贈黃石公給諫

諱國瑞

南國懷典型神交亦已夙華星麗高天相望值川
陸何意客吳門遽得接芳躅緒言輸情愫風神秀
瞻矚宛兮坐蘭灑皎然映冰玉竟使傾蓋間獲遂
執鞭役信知君子心風義淵以篤西園爽氣多襟
帶淨如沐竹露時滴響花風暗吹馥脫巾踈禮法
瀹茗滌氛燠於事無不談於心黯相屬自憐事各
塲猶未謝羈束宦情本踈淡世故或牽促留想荒

詩集

卷之一

五言古

六一

桂遲坐歎隙駒速奉教不可長何以慰心曲

徐子孺先生以五言古詩十餘首見示詩皆百

韻捧讀之餘得一章奉贈

詩壇至今日壁壘滿天下月露與風雲紛起競聲
價大約工近體格調不遠亞敲推數十字遽欲相
凌踰先生意不肖力齊古人駕樹幟漢魏上偏裨
鮑與謝落筆動千言才尚法不借勢如奔雷電氣
欲凌泰華誰復擅長城偏師抵其罅縱橫知莫禦
豈待一戰霸媿余空談詩對此神驚詫遙望順昌

旗欲避晉文舍英風起倦思豈特口膾炙荒邱暮
正寒霜風暗相射狐燈對殘酒客思無聊藉把君
詩數過遂忘旅中夜

金大聲方伯招同王貽上及曹節民張瀾柱兩
僉憲錦江舟集

碧桐剪欲盡涼風颯高秋客行猶未已索居嘗百
憂慷慨賢地主風義何綢繆湛彼浣花溪陶然聯
方舟折柬致羣彥鮮帶臨清流雜坐羽觴飛勸獻
不計籌回首望惠陵霸跡餘荒邱泉渾薛濤井草
澗衛公樓琴臺日已暮美人不可求雄圖與韻事
逝矣同浮漚念此當痛飲歲月况已邁蓬牕微颺
動竹葦鳴颺颺夕靄漾餘清芳華映滄洲喧闐歌
吹中倍覺眺聽幽江山豈嘗對悲歡難豫謀好待
明月光以永良夜遊

宴西雲精軍同貽上賦贈

桓桓鄭將軍揚休若山立川蜀廿年間威惠兩舉
律軍同山嶽靜戶已萑苻戢狐兔無潛穴鼠雀有
餘粒勛勳自巍峩風期何樸質廳纔容旋馬門僅

可施戟蕭蕭鈴閣下花木涼泛瑟直以瀉古氣一
洗豪汰習側聞蓬婆外番部謀窺隙移牧近邊城
昨夜羽書急將軍整以暇靜若無事日折衝樽俎
上屈人不以力我來窺幕府頓覺戒心釋高宴復
此張秋光滿四席刁斗聲不譁談笑情愈適萊公
自飲博謝傅會折屐未知古良將智勇孰與匹中
樞天下要制勝殊半壁天子需虎臣宿衛遲君入
梁荆山郭象闌兩將軍招飲同王貽上分韻賦
贈

詩集

卷之一

五言古

六三

梁君關西豪郭子汾陽裔地靈既有藉祖風亦不
替起家百戰中雅復愛文藝萬里羈棲客數過得
相慰高宴復此開下榻情愈契城頭笳鼓靜座上
笙歌沸卽事良可娛嘉會况不易西園晚正好竹
樹森蒼翠改席臨前除怡然滌煩慮嘗懼流光迫
敢惜淡杯醉說劒動豪情論古發妙諦旅思澹欲
忘陽和霽而至應知蓮幕外減盡風霜氣

晤蔣虎臣先生於伏虎寺淨室卽事有賦

山遊得峩眉於山意已足所憾介絕域相望阻川

陸車馬幾人過久爲仙隱獨曠哉將夫子山水嗜
何酷負疴歷荒遠探勝忘寒燠一杖支兩屐藁裹
兼書籠輕舉而冥搜日與烟嵐觸幽異不敢匿午
夜山鬼哭入山與山忘信知締緣夙紛吾鞅掌客
風塵走鹿鹿不謂萬里行此地快瞻矚蕭蕭遠公
房爽氣靜如沐竹露時滴響松風暗吹馥脫巾踈
禮法瀹茗滌煩溽神清笑則雅興洽談逾穆况復
契濶溪嘉晤僅信宿流光日以邁幽意豈忘目坐
久涼靄生晚鐘殷林谷相對難遽罷呼童更秉燭

詩集

卷之一

五言古

六四

益魚

瓦盆漾清波春風蕩成綺離離苕藻中文魚足棲
止沈浮惟所適三五自爲侶雖無雲雨姿幸得謝
刀几有地可泳遊尺水亦足矣安知神龍行涸渤
嘗萬里

益石

米顛袖中竒誰置益盞間高廣不盈尺鬼工所劖
剗嵌空雕玲瓏峯壑勢多端雲氣隱欲起蛇龍岌
相纏莓苔欣有託點染太古斑惝恍凡案間千仞

爭噴吮以知天地奇大小無殊觀天台與雁蕩神
理同一拳會心不在遠良感造物恩坐久幽籟生
松風謾謾寒

牡丹

山園饒名花牡丹信第一翠幙開雕闌允宜深護
惜於時春載陽羣起呈芳澤柔鬢入夜殷怒苞向
曉圻錦辦重展暈檀心細飛屑淺紅及深紫鱗鱗
如比櫛響屨步西施華清醉號國臨風香暗滿浥
露嬌無力萬態紛以披工妍各臻極煥若披雲錦
天然去雕飾端合號花王羣彙甘臣妾春色正駘
蕩流光懼奔迫好及午前看放歌浮大白
東坡謂看牡丹宜在午前過午則花歛

抹麗

嶺嶠有名葩抹盡東南麗因寔予以名厥稱良不
媿炎風煽氛埃小牕失幽趣賴此冰雪姿別具高
寒氣密葉亞柔枝錯落冷光綴不隨衆格繁風韻
淡無媚唯有暗香來沉麝欲引避薰然涌鼻觀一
洗煩暑慮頗疑天上種偏此人間寄幽佩倘可充

曾不遜蘭蕙何事離騷篇芳名獨遭棄

秋深氣淒烈荷傾蕉已禿止餘離下英凌寒生意
足德秉黃中美氣薦蘭麝馥瀟散塵壒外風神秀
瞻矚花史傳隱逸舍此更誰屬傳聞延年術澆之
壽命續神仙不可學安用采盈菊秋花耐晚對所
取娛雙目南山遙在望白酒正可漉高詠淵明詩
浩然娟幽獨

蘭

詩集

卷之一

五言古

六六

猗猗王者香亭亭拔塵壒開不與春期嘗於歲寒
會弱植如不支松竹同其介綠艷發柔叢紅芽綴
小隊心蘇瘴霧餘氣壓雪霜外含貞吐芳澤百草
覺自穢所以瀟湘客願言幼爲佩愛君視君謹護
持必躬戒相期臭味同永保幽素在毋然逐世尚
回芳變蕭艾美康蕙蘭

永安宮

桓桓漢昭烈允矣英雄姿大度同高祖知人任不
疑我過永安宮望古有餘悲故跡雖邈然遺烈猶

可追緬維託孤日一言不及私可輔與可取豁然
肝膽披臣才君所識臣心君所知竭力效忠貞肯
以盡瘁辭生死兩不負千載幾見之阿瞞一世雄
處無善言遺分香與賣履兒女情何癡顧命得典
午玉步已暗移銅臺空峩峩渾水自逶迤歌舞幾
何日彈指煙塵飛雄豪同一盡獨爲後人嗤

讀江擴我令黔草書其簡端諱既人

好友有江子出宰經幾年相思不可見政聲空遙
傳檄書昨忽至寄余令黔篇展讀爲生喜幽芳如
詩集 卷之一 五言古 六七
可奪唾空悉珠玉落紙疑雲烟吐納風與雅筆墨
生餘妍不謂薄書餘茲理妙能全以此宰民社裁
割誰當前文章餽吏治千古豈易焉信非百里才
猶抱墨綬眠何當攜此卷直上華嶽巔摘取驚人
句搔首一問天

虎邱暮歸有懷江嗣芳謀祖洽王炳若三子

下第留滯京師

落日趣歸帆夜色遽沉黝蒼蒼煙水間喟然念我
友我友江與謀風義古人偶信美東南珍濟時推

好手上書屢報罷摧挫嗟已久理數信難齊感晴
復何有昨日書報君遲君三江口擬作名山遊相
吳以詩酒瀆富貴何時樂事當自取遲君君不至
此約無乃負離居空復情兩九日跳走寂寞山塘
下月痕漏高柳

茶井

鏡甃護寒流一泓何澄邃傳是第三泉水記昔所
志緘名聊就嘗甘香愜幽契盧同悶初破陸羽心
欲醉石乳與雲津天地留至味颯然滌塵襟半疑
松風吹未知中冷泉較此何嗟次何當倚蒼崖結
廬對空翠日日飽煎喫無然煩水遞

詩集

卷之一

五言古

六八

吳王塚

墓地記云在劍池州云志在法堂下劉向疏
不言其言越人發之地記又云秦王發之寰宇志
此碑無又云孫權發之其說不一恐未可信相傳
吳王劍池水嘗涸下見石闕兩重深不可測疑
卽當日壅處云

山有闔廬塚塚今安在哉祇餘木若石蒼翠煙卓

開梵宇相周遭層軒鬱崔嵬紛然來士女賦詩或
銜杯客有弔古者唏噓重徘徊念彼一世雄零落
仍山隈余獨莞爾笑似此那足哀興忘何代無陵
寢多蒿萊幽宮依勝地闔廬信霸才虎去跡尙存
肯隨劫俱灰無謂豪華歇歌舞朝朝來

短簿祠

春風責短簿卽晉司徒王珣也虎邱本其別墅施
深策晉爲寺故山中祀之

我過短簿祠喟然起太息歎君筆如椽乃供幕中

詩集

卷之一

五言古

六九

畫喜怒操人意陰謀復誰識嗟乎海西廢安知非
君策晉祚方中微廟堂孰努力強私而弱公難免
春秋責一祠空復在烜赫已非昔短簿非美名傳
呼不與易信知衆人口嚴於聖人筆寄語文章士
身名謹護惜

清遠道士

山有清遠道士同沈恭子遊虎邱詩攷其

歷年日殷周迄唐已三千載矣然詩却全

是唐人風格不類晉魏何況周秦豈神仙

詩運亦因時代升降邪顏魯公愛而刻之
巖際且繼作焉蓋公好神仙事嘗作麻姑
壇記備述幻異不以爲誣意蓋如此而蔡
經宅亦在吳中

在昔有仙客題詩此巖阿至今仰靈異如聞風鳴
珂自君之仙矣歲月已嗟峨幽竄遍嶽瀆往還一
刹那猶然戀此山携朋寄嘯歌豈應山中景宇內
亦不多神仙盛遊激於理或非訛昔者蔡經宅麻
姑亦相過

詩集

卷之一

五言古

七十

幽獨君墓

唐大歷中虎邱石壁隱起鬼詩二首詞甚
悲愴事詳郡乘

山北兩孤塚傳是幽獨君誦君題壁句悲咽慘高
雲人生苦形累無形復何云君已歸冥漠于何抱
憾殷莊生齊物論釋氏觀空文死者既有知嗟君
胡不聞

生公講經臺

在昔竺道士曾此敞講席妙義契天人解使異類

格千人坐盤蛇何遽不如石信知大悟者不在有情識吁嗟千年來生公難再得無怪頭不點兀然長面壁

秦皇試劍石

祖龍奮長劍六王供一揮劍心猶突兀泛舟入會稽餘勇莫當石上留痕竒何如湛盧鋒切玉如切泥安知赤帝子走馬芒碭谿當道斷白蛇鬼母夜半啼

五賢祠

詩集

卷之一

五言古

七一

祠祀韋應物白居易劉禹錫王禹偁諸公皆宦遊吳地者

五賢間世英宦蹟同此炳遺愛此甘棠一祠做遙嶺清風與惠政信共溪山永豈獨詩若文詞壇標秀穎我來過祠下拜手心耿耿二三吳近凋敝復以侈汰逞所藉良有司仁義爲綏靖五賢不足六此意誰當領

五人墓

五人者皆蘇人也天啟中逆璫竊柄矯詔

逮吏部周公而五人憤起集衆格殺諂使
致論死合 顏佩韋葛滔李大壯張八公
丘二壘山下

魏璫昔亂政肆毒于清流吳門周吏部尤爲璫所
讐罷歸已有年緹騎忽來收嗚呼五人者闔閭
卒儔于名非所嗜于公非所求義憤快一擊不惜
以死酬遂附大君子風義激千秋太息勢利塲有
骨誰不柔天地剛正氣乃藉此輩留濟濟者衣冠
對之寧不羞謁來詢舊跡感慨此林丘松風颯然

詩集

卷之一

五言古

二

下如聞英爽邁

真娘墓

茫茫虎丘道寂寂真娘墓啾啾山鳥呼灼灼野花
吐豔骨久已銷芳華不可晤猶以歌舞名博取後
人句吁嗟鬢眉聳今古恒沙數身歿名亦盡誰問
北邙路何事此一坏千載共歎慕欲去重徘徊匪
以好色故

白公隄

公去蘇州詩有還鄉信有興之句

輕帆漾惠風前指白公隄古人雖不見遺跡堪遊
栖日長人家靜烟和芳草萋平橋紛士女清流浴
鳧鷖垂柳千萬樹綠陰如可攜對景念古人風流
孰攀躋永懷去郡什不覺羈魂淒還鄉信有興明
發五湖西

題畫與王報菴

諱文南

羣峯遠一屋疊翠如螺鬟中有幽居人逍遙長閑
關落花滿庭際好鳥鳴樹間潺湲澗下水掩映松
桂頰車馬澗難卽白雲相與閒高風足遺世我思

詩集

卷之一

聖言古

七三

鹿門山

五面石

溪南多竒勝首數五面石森翠帶郊坳迥若塵世
隔於時春載陽淑氣滿大域使君乘公暇邀侶共
登涉水窮辭蘭橈岸迴躡蠟屐初入猶坦夷稍進
漸崦崦未暇左右顧頗覺心神惕屢休藉層磴數
轉凌峭壁遂登最高處雙目得所極遠山與近山
參錯排空出或連亦或斷晴嵐縫其隙孤城傍水
浮百雉依雲立江頭樹若薺渡口人如織蒼蒼平

楚靜曷曷墟煙直天朗風日麗浮光亂相射氣象
累萬千紛如在几席下視山鳥翻作聽松泉滴超
然協壯觀欽哉造物力憶昔羊叔子峴首曾所歷
感慨今古間深慮名湮沒使君此日遊風流詎讓
昔名與此山俱豈藉豐碑勒千載應有人墮淚識
遺蹟

詩集

卷之一

五言古

七四

詩集

昔各典此山身豈謀豐碑傳子輝
蘇育人望無遊
海潮今古間深慮名湮沒使君此日遊
風流詎讓
然協壯觀欽哉造物力憶昔羊叔子峴首曾所歷
感慨今古間深慮名湮沒使君此日遊風流詎讓
昔名與此山俱豈藉豐碑勒千載應有人墮淚識
遺蹟

景萬千紛如在几席下

天朗風日麗

浮光亂

相射氣象

六一年查完



名			
版別	冊數	4	紙
定價	8.-		
編号	字第	33	号

北京市中国書店定價簽



112